

**A** inter Phœniciam Nilumq̄ est, deferendum, à Nymphisq̄ omni studio curaq̄ educandum. Vnde ab Ioue Nyfaq̄ Dionysium dixerunt: quod etiam Homerus in hymnis testatur, inquiens: Est Nyfa supra montem floridum, sylua procul à Phœnicia fermè Aegypto fluente. Nutritum à Nymphis aiunt, uini uinæq̄ extitisse auctorem. Orbem quoq̄ fermè obambulantem, multas regiones reddidisse domesticas: ac propterea maximis apud omnes honoribus celebratum. Docuisse eos insuper, quorum regio uites ferre nō posset, potum ex hordeo conficere: quem nonnulli zythum dicunt, paulum à uini sapore differentem. Exercitum quoq̄ secum non tantum uirorum, sed etiam mulierum circumducens, nepharios homines atq̄ iniquos merita multauit pœna. In Bœotia iussit in gratiam patriæ omnes urbes liberas esse, ciuitate sui nominis condita, quam & liberam pronunciauit. In Indiam cum exercitu transscendens, triennio post multis cum spolijs in Bœotiam redijt. Primus omnium triumphauit, elephanto Indico uectus, Bœotij, ceteri q̄ Græci, Thraces quoque in memoriam Indicæ expeditionis sacra Trieterica sibi instituerunt. Vnde & in multis Græcis urbibus triennio Bacchides mulieres cōueniunt: apud quas de more uirgines thyrsus ferunt, in honorem Dei bacchantes, eiq̄ per cœtus sacrificantes. Postremo memoriam Menadum, que feruntur illi Deo asitisse, hymnis & cantu renouant. Sustulit & omnes impios qui in orbe erant, sed maximè Pentheum ac Lycurgum. Vini inuentio tum propter potus uoluptatem, tum quia corpus reddit ualidius, grata supra modum mortalibus fuit. Aiunt cum purum in cœnis uinum datur, omnes Deum sospitem optare bibenti. Cum uerò post cœnam aqua mixtum sumitur, Iouem uocari saluatore. Nam puri uini potus ad insaniam redigit. Aqua Iouis mixtus, uoluptatem lætitiæq̄ affert, & prohibet insaniam. Ferunt ut deos, rerum ab se inuentarū meritis, maximè Dionysium ac Cererem ab hominibus coli: alterum suauissimi potus auctorem, alteram ob fruges ab se repertas. Traditur quoq̄ & alter multa prior ætate fuisse Dionysius, quem aiunt ex Ioue & Proserpina natum,

**B** à nonnullisq̄ appellatum Sæbasin. Huius genus sacra honoresq̄ propter pudorē nocturna occultaq̄ agunt. Dicitur propter ingenij acumen primus boues ad iugum iunxisse, eorumq̄ opera frugem facta semina reddidisse: qua ex re illum cum cornibus finxerunt. Ex Semele uerò natum posteriorem ferunt, delicijs deditum, molli corpore, ac præ cæteris decoro, uoluptatibus insuper ueneris indulgentem: in exercitu mulierum copiam circumduxisse, armatâ hastis thyrsu inuolutis. Tradunt & Musas uirgines cum eo profectas, apprime eruditas. His tum propter cantus suauitatem, tum quia doctæ psallere, bonisq̄ artibus eruditæ erant, Deus ille oblectabatur. Secutus est ipsum Silenus quoq̄ pædagogus ac nutritor, optimorumq̄ institutor studiorum, qui plurimum Dionysio ad uirtutem ac gloriam resq̄ bellicas profuit. Armis bellicis in pugna utebatur, & pardorū pellibus: pacis tempore in solennitatibus diebusq̄ festis uestes floridas, molles ac delicatas induebat. Si quando ex potu bibentis caput agitaret, mitra caput alligabat. unde & Mitriphoros dictus est. Reges posteri pro mitra caput diademate uinciri sunt soliti. Aiunt insuper Diætera uocatum, quoniam ex uno patre duo sint orti Dionysij, & matribus duabus. Verum posteriori prioris ascripta sunt gesta. Quapropter qui postmodum secuti sunt, ueritatis ignari, nominisq̄ ducti similitudine, unicum extitisse Dionysium crediderunt. Nartheca quoq̄ ex huiusmodi tribuunt ei causa. Cum nouiter reperto uino, nondum aquam infundere consueissent: in amicorum epulis ac festis diebus uinum purum ad uoluptatem potâtes, ebrij reddebantur. Qua ex re ligneis baculis quos gestabant, alteri alteros percutant, plurimos uulnerabant, quidam peribant ex uulnere. Ut eiusmodi certamina prohiberentur, Dionysius, ut modico uino, utq̄ pro sustibus ligneis ferulis uerentur, edixit. Plurima ei cognomina à rebus quas egit, sunt ab hominibus